

Cynulliad Cenedlaethol Cymru

Y Pwyllgor Materion Cyfansoddiadol a Deddfwriaethol

Offerynnau Statudol gydag adroddiadau clir

14 Medi 2015

CLA558 - Rheoliadau Adeiladu (Diwygio) (Cymru) 2015

Gweithdrefn: Negyddol

Mae'r Rheoliadau hyn yn diwygio Rheoliadau Adeiladu 2010 (S.I.2010/2214) ('Rheoliadau 2010') o ran Cymru. Maent yn rhoi Tabl wedi ei adolygu a'i ddiweddarau yn lle'r Tabl yn Atodlen 3 (cynlluniau hunanardystio ac esemptiadau o'r gofyniad i roi hysbysiad adeiladu neu i adneuo cynlluniau llawn) i Reoliadau 2010. Maent hefyd yn diwygio rheoliad 43(4) (profi pwysedd) o Reoliadau 2010 mewn perthynas â'r cyrff y caniateir iddynt ardystio cydymffurfedd â'r rheoliad hwnnw.

CLA559 - Rheoliadau Addysg Uwch (Cynlluniau Ffioedd a Mynediad) (Hysbysiadau a Chyfarwyddydau) (Cymru) 2015

Gweithdrefn: Negyddol

Mae'r Rheoliadau hyn yn gwneud darpariaeth mewn cysylltiad â chyfarwyddydau o dan adran 11 o Ddeddf Addysg Uwch (Cymru) 2015 a dyroddi ac adolygu'r hysbysiadau a'r cyfarwyddydau hynny a bennir yn adran 41(1) o'r Ddeddf honno.

CLA560 - Rheoliadau Addysg Uwch (Cyrсияu Cymhwysol, Personau Cymhwysol a Darpariaeth Atodol) (Cymru) 2015

Gweithdrefn: Negyddol

Mae'r Rheoliadau hyn yn rhagnodi'r cyrsiau cymhwysol a'r personau cymhwysol at ddibenion adran 5 o Ddeddf Addysg Uwch (Cymru) 2015, sy'n nodi bod rhaid i gynlluniau ffioedd a mynediad bennu terfynau ffioedd (neu ddarparu ar gyfer penderfynu ar derfynau ffioedd) mewn perthynas â chyrсияu cymhwysol bob blwyddyn academaidd. Terfynau ffioedd yw'r uchafswm y bydd rhaid i berson cymhwysol ei dalu i sefydliad am ymgymryd â chwrs cymhwysol.



CLA561 - Rheoliadau Gofal a Chymorth (Preswylfa Arferol) (Llety Penodedig) (Cymru) 2015

Gweithdrefn: Negyddol

Mae'r Rheoliadau hyn yn cadarnhau preswylfa arferol oedolyn pan fo'n byw mewn llety o fath penodedig. Mae'r Rheoliadau yn darparu bod llety cartref gofal yn llety o fath penodedig at ddibenion adran 194(1) o Ddeddf Gwasanaethau Cymdeithasol a Llesiant (Cymru) 2014.

Effaith y Rheoliadau yw pan fo oedolyn yn byw mewn llety cartref gofal, a bod gan yr oedolyn anghenion am ofal a chymorth na ellir eu diwallu ond drwy fyw mewn llety o'r math hwn, mae'r oedolyn i'w drin fel un sy'n preswyllo fel arfer yn yr ardal lle'r oedd yn preswyllo fel arfer yn union cyn iddo ddechrau byw yn y cartref gofal.

Efallai yr hoffai'r Aelodau nodi bod CLA568 yn gwneud darpariaeth ar gyfer datrys anghydfod rhwng awdurdodau lleol ynghylch preswylfa arferol oedolyn.

CLA562 - Rheoliadau Addysg (Cymorth i Fyfyrrwyr) (Cymru) (Diwygio) 2015

Gweithdrefn: Negyddol

Mae'r Rheoliadau hyn yn diwygio Rheoliadau Addysg (Cymorth i Fyfyrrwyr) (Cymru) 2015 sy'n darparu ar gyfer cymorth ariannol i fyfyrwyr sy'n preswyllo fel arfer yng Nghymru ac sy'n dilyn cyrsiau addysg uwch dynodedig mewn cysylltiad â blynyddoedd academiaidd sy'n dechrau ar neu ar ôl 1 Medi 2015.

CLA563 - Rheoliadau Mêl (Cymru) 2015

Gweithdrefn: Negyddol

Mae'r Rheoliadau hyn yn gweithredu Cyfarwyddeb y Cyngor 2001/110/EC ynghylch mêl (y Gyfarwyddeb Mêl). Mae'r Rheoliadau'n rheoleiddio defnyddio enwau fel 'mêl', 'mêl blodau', 'mêl neithdar', 'mêl wedi ei hidlo' a 'mêl pobydd'. Mae'r Rheoliadau hefyd yn nodi meini prawf ynglŷn â chyfansoddiad ar gyfer mathau penodol o fêl. Er enghraifft, ni chaniateir i 100g o fêl blodau gynnwys llai na chyfanswm o 60g o ffrwctos a glwcos. Mae'r Rheoliadau'n gosod gofynion ychwanegol ynglŷn â labeli hefyd, er enghraifft, mae'n rhaid nodi'r wlad tarddiad ar labeli.

Mae'r Rheoliadau'n gosod dyletswydd ar awdurdodau bwyd i orfodi'r Rheoliadau ac yn rhoi pwerau gorfodi i'r awdurdodau bwyd hynny.



CLA564 – Gorchymyn Ardaloedd Rheoli Mwg (Lleoedd Tân Esempt) (Cymru) 2015

Gweithdrefn: Negyddol

Mae'r Gorchymyn hwn yn dirymu ac yn disodli gyda diwygiadau Orchymyn Ardaloedd Rheoli Mwg (Lleoedd Tân Esempt) (Cymru) 2014 (O.S. 2014/694) ac yn caniatáu ar gyfer defnyddio nifer o foeleri a stofiau nad ydynt yn cynhyrchu unrhyw fwg mewn ardaloedd rheoli mwg. Mae'r defnydd o foeleri / stofiau yn destun amodau llym.

CLA565 - Rheoliadau Gwlad Tarddiad Cigoedd Penodol (Cymru) 2015

Gweithdrefn: Negyddol

Mae'r Rheoliadau hyn yn ei gwneud yn bosibl gorfodi darpariaethau, ac yn pennu'r cosbau, ar gyfer diffyg cydymffurfiaeth â gofynion cyfraith yr UE o ran dangosiad gwlad tarddiad neu darddle cigoedd penodol.

Mae'r Rheoliadau hyn yn rhoi'r pwerau perthnasol i awdurdodau bwyd (hynny yw, cynghorau sir a chynghorau bwrdeistref sirol) ac awdurdodau iechyd porthladdoedd i orfodi'r Rheoliadau o ran Cymru.

CLA566 - Rheoliadau Llywodraethu Ysgolion a Gynhelir (Newid Categori) (Cymru) 2015

Gweithdrefn: Negyddol

Mae'r Rheoliadau hyn yn gwneud darpariaeth mewn cysylltiad ag ymdrin â gwneud offerynnau llywodraethu newydd ar gyfer ysgol a fydd yn newid ei chategori yn unol â chynnig sy'n cael ei wneud o dan Ddeddf Safonau a Threfniadaeth Ysgolion (Cymru) 2013.

CLA567 – Rheoliadau Ardaloedd Rheoli Mwg (Tanwyddau Awdurdodedig) (Cymru) 2015

Gweithdrefn: Negyddol

Mae'r Rheoliadau hyn yn dirymu ac yn disodli gyda diwygiadau Rheoliadau Ardaloedd Mwg (Tanwyddau Awdurdodedig) (Cymru) 2014 (O.S. 2014/684 (Cy. 74)) ("Rheoliadau 2014").

Mae'r Rheoliadau hyn yn pennu pob tanwydd sydd wedi ei awdurdodi i'w ddefnyddio mewn ardaloedd rheoli mwg yng Nghymru at ddibenion adran 20 o Ddeddf Aer Glân 1993. Mae pob un o'r tanwyddau a restrwyd yn yr Atodlen i Reoliadau 2014 yn union cyn i'r Rheoliadau hyn ddod i rym yn parhau i fod yn danwydd awdurdodedig. Mae naw o danwyddau ychwanegol wedi eu hawdurdodi am y tro cyntaf.



CLA568 - Rheoliadau Gofal a Chymorth (Anghydfodau ynghylch Preswylfa Arferol, etc.) (Cymru) 2015

Gweithdrefn: Negyddol

Mae'r Rheoliadau hyn yn gwneud darpariaeth ynghylch datrys anghydfodau rhwng awdurdodau lleol ynghylch ble y mae person yn preswyl fel arfer yng Nghymru at ddibenion Deddf Gwasanaethau Cymdeithasol a Llesiant (Cymru) 2014, gan gynnwys anghydfodau rhwng awdurdod anfon ac awdurdod derbyn mewn perthynas â hygludedd gofal a chymorth ac anghydfodau a all godi o ran dyletswydd dros dro ar awdurdod lleol o ganlyniad i fethiant darparwr gofal preswyl.

Yn unol ag adran 117(4) o Ddeddf Iechyd Meddwl 1983, mae'r Rheoliadau hyn yn gymwys hefyd i anghydfod rhwng awdurdodau lleol ynghylch gwasanaethau ôl-ofal iechyd meddwl.

CLA569 - Rheoliadau Cynllunio Gwlad a Thref (Cynllun Datblygu Lleol) (Cymru) (Diwygio) 2015

Gweithdrefn: Negyddol

Mae'r Rheoliadau hyn yn diwygio Rheoliadau Cynllunio Gwlad a Thref (Cynllun Datblygu Lleol) (Cymru) 2005 (O.S. 2005/2839) er mwyn symleiddio agweddau penodol ar y broses cynlluniau datblygu lleol. Yn benodol, mae'r Rheoliadau hyn yn:

- cael gwared ar y gofyniad statudol i hysbysebu camau ymgynghoriadau yn y wasg leol;
- caniatáu i awdurdodau cynllunio lleol ddiwygio'r cynllun datblygu lleol os nad yw'r materion dan sylw yn ddigon arwyddocaol i gyfiawnhau ymgymryd â'r weithdrefn lawn, heb fynd drwy'r broses ddiwygio lawn;
- cael gwared ar yr angen i ymgynghori ar safleoedd amgen yn dilyn ymgynghoriad adneuo;
- gwneud mân ddiwygiadau a diwygiadau canlyniadol.

CLA570 – Rheoliadau Cynllunio (Sylweddau Peryglus) (Cymru) 2015

Gweithdrefn: Negyddol

Mae'r Rheoliadau hyn yn cydgrynhoi, gyda diwygiadau, Rheoliadau Cynllunio (Sylweddau Peryglus) 1992 a'r offerynnau diwygio dilynol i'r graddau y maent yn gymwys i Gymru. Maent hefyd yn cynnwys darpariaeth ynghylch y cyfnod ar gyfer pennu'r weithdrefn o dan adrannau 20 ac 21 o Ddeddf Cynllunio (Sylweddau Peryglus) 1990. Maent hefyd yn gweithredu'r agweddau sy'n ymwneud â defnydd tir ar Gyfarwyddeb 2012/18EU Senedd Ewrop a'r Cyngor Ewropeaidd ar reoli peryglon damweiniau mawr sy'n cynnwys sylweddau peryglus.



CLA571 - Gorchymyn y Cwricwlwm Cenedlaethol (Deilliannau Dymunol, Rhaglenni Addysg a Threfniadau Asesu Sylfaenol a Diwedd Cyfnod ar gyfer y Cyfnod Sylfaen) (Cymru) 2015

Gweithdrefn: Negyddol

Mae'r Gorchymyn hwn yn diwygio Gorchymyn Addysg (Y Cwricwlwm Cenedlaethol) (Y Cyfnod Sylfaen) (Cymru) 2014. Mae'n rhoi effaith gyfreithiol i ddogfen o'r enw "Cwricwlwm Cymru: Fframwaith y Cyfnod Sylfaen", sy'n nodi'r deilliannau dymunol a'r rhaglenni addysg diwygiedig ar gyfer y meysydd dysgu.

Mae'r Gorchymyn hefyd yn cyflwyno trefniadau asesu sy'n rhaid i addysgwyr eu gweithredu mewn perthynas â phob disgybl ym mlwyddyn derbyn y cyfnod sylfaen. Mae erthygl 7 yn nodi bod yn rhaid cynnal yr asesiad hwn o fewn 6 wythnos i'r tro cyntaf y bydd plentyn yn dechrau mynychu fel disgybl mewn dosbarth derbyn mewn ysgol a gynhelir neu cyn gynted ag y bo'n rhesymol ymarferol wedi hynny os oes rhesymau eithriadol yn golygu na ellir ei gynnal yn ystod y cyfnod hwnnw.

Mae erthygl 8 o'r Gorchymyn hwn yn nodi'r trefniadau asesu y mae'n rhaid i addysgwyr eu gweithredu mewn perthynas â phob disgybl ym mlwyddyn olaf y cyfnod sylfaen. Mae erthygl 9 yn rhoi dyletswydd ar yr addysgwyr i gwblhau cofnod cyrhaeddiad o'r asesiad.

CLA572 - Rheoliadau Addysg (Arolygu Addysg Feithrin) (Cymru) 2015

Gweithdrefn: Negyddol

Mae'r Rheoliadau hyn yn atgynhyrchu Rheoliadau Addysg (Arolygu Addysg Feithrin) (Cymru) 1999 ("Rheoliadau 1999") i raddau helaeth. Fodd bynnag, mae'r Rheoliadau hyn yn cynyddu'r cyfnod amser rhagnodedig ar gyfer cwblhau adroddiad arolygu i 45 o ddiwrnodau gwaith o'r dyddiad y dechreuodd yr arolygiad. Mae Rheoliadau 1999 wedi eu dirymu (rheoliad 1(3)).

Mae'r Rheoliadau hyn yn rhagnodi'r cyfnod y mae rhaid i adroddiad ar arolygiad o addysg feithrin o dan Atodlen 26 i Ddeddf Safonau a Fframwaith Ysgolion 1998 gael ei wneud ynddo; yr awdurdodau a'r personau y mae rhaid anfon copi o'r adroddiad atynt; a'r ysbeidiau sydd rhwng arolygiadau addysg feithrin o dan yr Atodlen honno (rheoliadau 3 a 4).

CLA573 – Rheoliadau'r Gwasanaeth Iechyd Gwladol (Ffioedd a Thaliadau Optegol) (Diwygio) (Cymru) (Rhif 2) 2015

Gweithdrefn: Negyddol

Mae'r Rheoliadau hyn yn diwygio Rheoliadau'r Gwasanaeth Iechyd Gwladol (Ffioedd a Thaliadau Optegol) 1997 drwy ddarparu ar gyfer cynnydd o 1% yn y ffi ar gyfer profion golwg y GIG o 1 Ebrill 2015 ymlaen.



Mae effaith ôl-weithredol y Rheoliadau yn cael ei ganiatáu o dan adran 76(9) o Ddeddf y Gwasanaeth Iechyd Gwladol (Cymru) 2006.

CLA574 - Gorchymyn Addysg (Cwricwlwm Cenedlaethol) (Targedau Cyrhaeddiad a Rhaglenni Astudio) (Cymru) (Diwygio) 2015

Gweithdrefn: Negyddol

Mae'r Gorchymyn hwn yn rhoi effaith gyfreithiol i'r Rhaglenni Astudio newydd ar gyfer Mathemateg, Saesneg, Cymraeg a Chymraeg Ail Iaith yn y Cwricwlwm Cenedlaethol yng Nghymru.

Mae'r offeryn statudol hwn yn diwygio Gorchymyn Addysg (Cwricwlwm Cenedlaethol) (Targedau Cyrhaeddiad a Rhaglenni Astudio) (Cymru) 2008.

